

## Амакилари Абу Толиб қарамоғида



09:05 / 25.09.2019 2684

Абдулмутталибнинг вафотидан кейин ҳеч кимсиз қолган ёш Мұхаммад мустафо соллаллоҳу алайҳи васалламни у зотнинг амакилари Абу Толиб үз қарамоғига олди.

Абу Толиб Пайғамбар соллаллоҳу алайҳи васалламнинг оталари Абдуллоҳнинг ота бир, она бир акалари эди. У Мұхаммад мустафо соллаллоҳу алайҳи васалламни үзига ўғиллари Жаъфар, Ақийл ва Алийлардан ҳам яқин тутар, күпинча үзи билан олиб юрар эди.

Аллоҳ таоло Мұхаммад мустафо соллаллоҳу алайҳи васалламнинг турли камчиликлардан холи бўлиб ўсишларини таъминлади. У зот соллаллоҳу алайҳи васаллам барча ёмонликлардан йироқ, ҳамма фазилатларга яқин ҳолда ўсиб бордилар.

Мұхаммад мустафо соллаллоҳу алайҳи васаллам вояга етиб қолганларида қўй боқиш билан тирикчилик ўтказдилар. У зот соллаллоҳу алайҳи васаллам арзимаган ҳақ учун одамларнинг қўйларини боқдилар. Ҳайвонлар ичida энг ювоши бўлган қўйни боқиш ҳамма пайғамбарлар қилган ишдир, чунки бу иш уларни маълум маънода кейинчалик ўз умматларига раҳбарлик қилишдек масъулиятли ишга тайёрлар эди.

Пайғамбар соллаллоҳу алайҳи васаллам йигирма ёшларида Кинона ва Қурайш қабилалари билан Қайс Айлон қабиласи орасида чиққан урушда қатнашдилар. Унда амакилариға камон ўқи олиб бериб турдилар. Шундай

қилиб, ёшлик чоқларидаёқ уруш нима, жасорату шижаат нима эканини синаб кўрдилар. Бу ишда ҳам Аллоҳ таолонинг инояти ила у зотнинг келажакда пайғамбарлик қилишларига тайёргарлик бор эди.

**«Ислом тарихи» биринчи китоб**